



Siunnersuisoqarfimmik inunnik akiitsoqartunik siunnersuisinnaasumik ikiuisinnaasumillu pilersitsinissamat periarfissat pillugit nalunaarusiornissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Siunertaasussaq tassaavoq akiitsut annikillisarniarlugit immikkut ilisimasallit ikiortigalugit akiitsoqartunik akeqanngitsumik siunnersuisarnissaq. Nalunaarummi taamatut siunnersuisoqarfimmi suliassat suuneri aammalu immikkut ilisimasallit tassunga iluaqutigineqarsinnaanersut nassuiarneqassapput, kiisalu taamatut siunnersuisoqarfiliorerup ingerlanneqarnera Landskarsimut qanoq ukiumut akeqarumaarnersoq. Nalunaarusiaq 2016-imi ukiakkut ataatsimiinnissaq sioqqullugu naammassereerneqarsimassaaq.

(Inatsisartunut ilaasortaq Naaja Nathanielsen, Inuit Ataqatigiit)

(Siullermeerinnineq)

Akiitsut ataasiakkaanut inuiaqatigiinnullu ajornartorsiutaapput annertuut. Ataatsimut isigalugu innuttaasut pisortanut akiitsoqarput 1 milliard koruuningajannik - taakkununga ilanngunneqassapput namminersortunut akiitsut. Allatut oqaatigalugu pisariaqarpoq akiitsoqarnermut atatillugu immikkut iliuuseqartoqarnissaa.

Siunnersuuteqartup nammineq taavaa Ilanngassivik-systemi, immaqa akiitsunik ikilisaaqataasinnaasoq.

Tamatuma saniatigut angisuumik pisariaqartinneqarpoq innuttaasut isummaminnik allanngortitsinissaat. Pisariaqarpoq aningaasarsiornermut paasisimasaqarnerulernissarput aamma peqataanik pisariaqarpoq aningaasarsiornermut paasisimasaqarnerulernermik kinguaariit tulliitut ingerlatitseqqinnissaq. Tassa imaappoq angajoqqaat perorsaanerminnut atatillugu qitornaminnut ilinniartitsissutigissavaat aningaasaqarnermut tunngatillugu akisussaassuseqartumik pissuseqarnissaq tassa imaappoq meeqqat atuarfiata tassunga atuartitsinissaminut piffissamik immikkoortitsisariaqarpoq.

Demokraatini isumaqarpugut pissusissamisoortunngussasoq nammineq aningaasaatinit amerlanerusunik atuisannginnissaq. Pissusissamisoortunngortariaqarpoq piffissami oorisorfiulluartuni aningaasanik ileqqaartarnissaq, atorsinnaassanik aningaasarliorfiit nalaanni. Aamma pissusissamisoortutut isigineqassaaq akiligassanik akiliisarnissaq. Eqqaamallugu akiligassat akilerneqartuaannartussaapput; akiliinngikkaanni nammineq allanut tunnerlussaaq. Tamanna ersoqatiginninnginneruvoq.

Tamanna tunngavigalugu Demokraatini isumaqatigaarput nassuiaasiortoqassasoq, kissaatingaarpulli sapinngisamik annertuumik suliassasoq. Tassa imaappoq taamaallaat pineqassanngilaq paaqqinnittarfik ataaseq, annertuumilli sammineqassaaq qanoq iliornikkut



inuiaqatigiit akiitsui ikilisinneqarsinnaassanersut.

Taamatut paasinnilluta siunnersuut suliareqqitassanngorlugu Aningaasaqarnermut
Akileraarnermullu Ataatsimiititaliamut innersuupparput.